

اسلام گنج

معارف : « دینی برقیات ، حیاتی برقیات » در

میل ۱ - صبا ۹
۱۰ رجب ۱۳۳۲
۲۲ مایس ۱۳۳۰
مدیری : حلیم ثابت

يا غارق واکر ايرى دانه لى يا غمور اصابت ايتمزه از يا غمورده يتشهرك ميوه سى
ايكى قات اولان يوكك بريرده كى باغچه كيدير .
الله سزك يابد قلريكزى كورور .

بايزيد در سعاملرتدن

سرف الميره

فقه

حقوق اسلام

حقوق اسلامك منبعلى ساويدر ، كتاب الله منجردد . و دينيه بيليركه
دينى اصلره مستند (حقوق) ك تاريخده اك شاملى ، حاضرده اك زنده سى
حقوق اسلامدر .

اقوام اسلاميه ده فعلاً و عرفاً مرعى مؤسسات حقوقيه ايله شريعتده متناً
موجود نصوص و تقول آره سنده قطعى و عمومى بر توافق بولنديغى ادعا ايديله مه مكله
برابر ، هر هانكى سويه مدنيه ده بولنورسه بولونسون ، على العموم اسلام جمعيتلر نده
هر درلو حيات حقوقيه نك ناظم اصليسى متون شرعيه اولديغنده شبهه يوقدر .

هيئات بشريه نك مدار نظام و قوامى اولان مؤسسات حقوقيه نك دينى
منبعله مستند بولونمهنده كى محاذير و محسنات علم حقوق اربابنك ، بالخاصه
فلسفه حقوق عاملك نظر تدقيقندن دور قالامشدر .

بر قسم علمانك قساعتلرينه كوره نصوص ساويه نك مناسبات حقوقيه
حاکم بولنديغى جمعيتلر ده احكامك ازمانه كوره تبديل و توسيعى ، قواعد حقوقيه نك
تكاملات اجتماعيه ايله توفيقى متعسر حتى محال اولور . يوقيل جمعيتلر ده يكي
احتياج لر دن طوغان يكي مناسبتلرك صحت و لزومى بالضروره مؤيد اتدن محروم ،
حيات اجتماعيه نك شرائط حاضره سياه قطعياً علاقه سى قالمايان اسكى قاعده لر
معمول به براقيلير . بر زمانلر كاغل انتظام و سعادت اولان نصوص زمان كليرده
جمعيت ايچون پابند ترقى ، منبع تزوير و فساد كسيلير .

تحول دائمی ایچند بولغان حیات ایله صلاحیت متحجرانه به محکوم نصوص
ومتون آراسنده بر مجادله در باشلاز : نصوص ؛ حیاتی بوغمغه ، حیات ؛ نصوص
زنجیرینی قیرمغه ساعیدر . بومصادماتک نتیجه سی جمعیت ایچون مر حالده قادر .
یانصوصک تضیق تختی التنده حیات جمعیت بوغولور ، یا خود حیات ؛ سد
متونی قیروب ییقمق صورتیه فرجه سیروتکاملنی آزار که بری جمعیتک مضحل
اولسی ، دیکری موازنه سزلکاره ، صارصینتیلره ، انقلابلره معروض اولوب
طورمه سی دیمکدر . ایشته بونک ایچوندر که مؤسسات حقوقیه نک ، منبعلرینی
نصوص سهاویه دن المقسزین طوغوب بیومه لری ، هیچ اولمازسه ، وصایت
دینه دن ایرکنجه قورتوله لری ، جمعیتلر حیات حقوقیه نک صحت و سلامت
دائرهنده جریان ایده بیلمه سی ایچون شرطدر .

بومطالعائی تاریخی تدقیقات حقوقیه ایله تأییدایدن غرب علماسندن بعضیلری
دینک علی العموم مناسبات حقوقیه نی محیط اولمه سنده کی محاذیر حقتده ایراد
ایتدکاری مثاللرمیاتنده الک باهر بر مثال اولق اوزره حقوق اسلامی کوستریرلر .
شریعت اسلامییه اضافه ایدیلن ، حالبوکه حقیقتده جهلدن ، آریجه تدقیقه
محتاج بر چوق احوالده شریعتک عن قصد آلت اتخاذ ایدیللمسندن طوطان قواعد
ومؤسسانی وبونلرک مرور ازمان ایله عالم اسلامده تثبیت ایلدیکی ذهنیتی شرعک
منابع حقیقیه سیله قاریشدر مقدر نشأت ایدن بویه حقسز بر تنقیدک شریعتسز
حقتده وارد اولمه جفتک علمی دلیللر ایله اثباتی قابل وبووظیفه نی ایفایه جدا
مقتدر فضلامزک بویواده همتلری پک یقینده تجلی ایتک مأمولدر ...

حقوقک منابع سهاویه به مستند اولسنی جمعیات بشریه ایچون محض خیر بیلن ،
حیات اجتماعیه نک شیرازه سی مؤیدات موضوعه دن زیاده تبلیغات سهاویه ده آراق
لازم کلدیکنه قانع اولان علمانک دلیللرنده کی قوت ؛ کرک حاضرک کرک تاریخک
روح حادثات ومؤسساتنه نفوذده کوستردکاری موفقیت دها بویوکدر .

بوقسم علمایه کوره بر قانون موضوع ایله ثابت اولان شرائتکی بروجوب
ویا حرمت ، صحت ویافساد حکمی اوقانونک تعلق ایتدیکی مناسبات اجتماعیه نک
انتظامی ، حقوق افرادک محفوظیتی نقطه نظرندن پک مصیب ، پک عادلانه دخی

اولسه هیچ بر زمان بر خطاب مقدس قوتیه حاکم وجدان، ناظم افعال اولامیور .
 بیک درلو اجترافاتک مولود غیر مرغوبی برواضع قانونک یاریدن بر زیاده رأیه
 ترتب ایده بیلن تکلیفی صرف بوصفیه مکلفک وجدانده هیچ بر جاذبه قدسیه ،
 هیچ بر تسلیمیت خاشعانه اویاندر میور . حتی مکلفک صحت و حیات طوغریدن
 طوغری به تعلق ایدن قانونلر اولیورده ینه تأمین مطاعتلری کوچلمکدن
 قورتولیور .

اولوالامر و تکلیفی مطاع ، حق محترم اولق ایچون بونلرک قوتلری مؤیدات
 موضوعه دن زیاده مؤیدات وجدانیه دن آلهلری ، قدسی اساسلره استناد ایتیش
 بولومهلری لازمدر .

بوصنف علمانک دلائل و مطالعاتی علم حقوقک سیر تکاملیه ده تأیید ایتیمکده در .
 فی الحقیقه ، واضع قانونی قادر مطلق بیلن (روسو مکتبندن) فیثقیران
 طوفانی جریانلرک مؤسسات حقوقیه و مناسبات اجتماعیده ایقاع ایتدکلری هرج
 و مرجی به قارشى ایلک اثر ابتیاه اولق اوزره وجود بولان (مکتب تاریخی)
 جمعیتلرک حیات و مناسباتنده عنعنلرک حائر اولدقلری موقعک اهمیتتی اثبات
 ایتیشلر و همترلریه حقوقک هم نظریات علمییه سنی ، هم تطبیقات فعلیه سنی تکرر
 و تبادیلی ملحوظ بر چوق فاحش خطالردن قورتارمشلردر .

متأخرین حقوقیونک بولدیغی شو حقیقت صوکه زمانلرده اجتماعون طرقدن
 ده اینه تدقیقات و تحلیلاته تابع طوبلش و عنعناتک قیمتی محاط بولندقلری
 قدسیتدن ثنات ایتدیکی تحقق ایتشدر که شوتیجه به کوره حقوقک سماوی
 منبعلره استناد ایتیه سنی جمعیتلرک محافظه موازنت و سلامتلری ایچون الزم کورن
 علمانک فکرلرنده کی اصابت بر قاندها تظاهر ایدر . چونکه مقدساتک اس
 اقدسی شارع اعظمک خطاییدر .

آیدین مبعوثی

ولی المبین